

NYNORSKKOMMUNANE (LNK) – TIL TENESTE

PRINSIPPROGRAM

LNK skal leggja til rette for at medlemene kan vera aktive og stolte nynorskbrukarar og medvetne i språkspørsmål.

LNK skal arbeida for å sikra nynorsk som eit jamstilt og fullgodt bruksspråk innanfor alle delar av det offentlege. LNK skal ta eit ansvar for språkutviklinga i medlemskommunane, og ta på seg informasjons- og kulturfaglege oppgåver som set nynorsk inn i nye samanhengar.

LNK skal vera ein pådrivar i høve til sentrale styresmakter og andre samarbeidspartar kommunane har, for å få dei til å ta språkjamstillinga på alvor. LNK skal vera ein konstruktiv, positiv og framoverretta samarbeidspart.

LNK skal ta opp saker på vegner av medlemene.

LNK skal vera ein medlemsorganisasjon, men samstundes leggja vekt på fellesskapet gjennom å tilnærma seg medlemene på ein måte som stimulerer til dialog og tovegskommunikasjon.

ARBEIDSPROGRAM

1. Arbeid overfor medlemene våre.

LNK skal:

styrkja språkopplæringa i kommunar, fylke og stat. LNK skal gjera medlemene gode i nynorsk, slik at dei kan tilby gode tenester til innbyggjarane sine

- arrangera fagsamlingar og fellestilskipingar for medlemene
- vidareføra samarbeidsavtalen mellom LNK og Høgskulen i Sogn og Fjordane, og tilby kurset «På saklista» gratis til medlemene så langt økonomien tillet dette
- bruka tid på å presentera kursprogramma under rekrutteringsferder/medlemsbesøk
- arbeida vidare med prosjektet "LNK og Europa – arbeidsrekruttering og språkopplæring"

- arbeida for å setja språkspørsmål og språkpolitikk inn i ein vidare kulturell samanheng, mellom anna ved å syna samanhengar mellom språk, identitet, kultur og samfunnsutvikling.
- arbeida for at medlemene trekkjer inn språk som ein naturleg del av omdømmebygginga
- arbeida for å betra kompetansen kring informasjonsarbeid i kommunane
- arbeida for meir medvitne haldningar til språk og kultur i barnehagane
- synleggjera nynorsk som bruksspråk innanfor alle sektorar – arbeid med å synleggjera nynorsk på nett for barn og unge skal framleis prioriterast
- vidareutvikla samarbeidet med ABC Startsidan omkring Framtida.no og Startside.no
- vidareutvikla samarbeidet med ABC Startsidan og Samlaget om eit nettilbod på nynorsk for barn
- vidareutvikla samarbeidet med relevante programvareprodusentar og arbeida for at det vert utvikla fleire appar og meir relevant programvare på nynorsk
- arbeida for å vidareutvikla og driva nettstaden Pirion
- utvikla og driva nettstaden Magasinet.no vidare
- arbeida for at kommunane vedtek målbruksplanar og integrerer desse i kommunale planverk
- arbeida for utviding av verkeområdet for mållova, jf. nye organisasjons- og selskapsformer som vert tekne i bruk i offentleg sektor
 - vidareføra LNK-fordelskortet - på nett
 - arbeida for at medlemene gjennom planverka sine tydeleggjer kven som har ansvar for språk i kommunane.

2. Arbeid inn mot sentrale styremakter og andre samarbeidspartar

- arbeida for at kommunane ikkje skal ha meirkostnader av di dei har valt nynorsk som administrasjonsspråk eller av di dei har språkleg delte parallellklassar/grupper i grunnskulen
- arbeida for at nynorsk språk og kultur vert sett på dagsorden i prosessar kring regionalisering og kommunesamanslåingar

- samarbeida vidare med Språkrådet og Nynorsk kultursentrum om kartlegging av haldningar til språk i kommunane
- arbeida for at staten, ut frå demokratismsyn, fører vidare satsinga på ein "klårt språk"-politikk
- styrkja samarbeidet med dei kommunale organisasjonane – både på arbeidsgivar- og arbeidstakersida
- synleggjera nynorsk marknadsmakt. LNK representerer ein halv million menneske som bur i nynorskkommunane, og om lag 100 000 tilsette i offentleg sektor
- arbeida for å setja språkspørsmål på dagsordenen i nye samanhengar
- arbeida for at fleire statlege etatar vert flytta til nynorskkommunar
- arbeida for at arbeidet med språkdelt lærebøker i vidaregåande skule vert teke opp att
- arbeida for å styrkja norskfaget i grunnskule og vidaregåande skule
- arbeida for å få på plass att ei ordning med språkleg godkjenning av læringsressursar på eitt eller anna nivå – i samarbeid med Språkrådet eller regionale organ
- arbeida for at flyktningar og innvandrarak får fullgode læremiddel på nynorsk. Det skal vera eit statleg ansvar å syta for at det finst tilgjengeleg læringsmateriell av god kvalitet på nynorsk for framandspråklege

vil arbeida for at «nynorskgruppa» i VOX utviklar seg til også å bli ein fagleg pådrivar for fleire midlar til nynorsk læringsmateriell for framandspråklege

arbeida for at det vert oppretta eit ressurscenter for norske kommunar på området nynorsk vaksenopplæring for framandspråklege»

arbeida for at arbeidsinnvandrarak frå EØS får same rett til opplæring som andre innvandrarak har – finansiert gjennom statlege overføringar

- arbeida for at nynorsk språk og kultur vert sett på dagsorden i prosessar kring regionalisering og kommunesamanslåingar
- arbeida for å sikra nynorskbruk også innanfor dei nye organisasjons- og selskapsformene som vert tekne i bruk i det offentlege
- gje fråsegner om og fremja medlemene sine synspunkt og interesser i samband med språk- og kultursaker elles

- arbeida for å få på plass årvisse kontaktmøte med KS – også på regionnivå

3. Kontakt med medlemene og informasjonsarbeid

- * utvikla den digitale satsinga vidare. Følgja teknologiske nyvinningar og brukarendringar tett. Føra vidare drifta av Framtida.no, ABC Startside.no, Magasinet.no, Pirion.no og LNK.no innfor dei budsjetttrammene som til ei kvar tid gjeld
- * ha aktiv kontakt med media og relevante styremakter for å få fram sakene våre
- * utvikla samarbeidet med lokalavisene vidare
- * utvikla ny oppdatert nettversjon av eit fordelskort annakvart år
- * setja av minimum to veker kvart år til medlemsbesøk og rekruttering
- * stimulera til samarbeid mellom medlemene gjennom å skipa til konferansar, fagsamlingar og kurs
- * arbeida vidare med strategisk nettverksbygging som kan synleggjera nynorskulturen.

4. Økonomi/administrasjon.

- * ha ein tilfredsstillande eigenkapital
- * føra vidare dei rekrutteringsstrategiane som til ei kvar tid er vedtekne i styret
- * vidareføra dei økonomiske samarbeidsavtalane, og vurderer nye økonomiske samarbeidspartnarar
- * føra vidare den noverande, desentraliserte organisasjonsstrukturen, men vurderer alternative løysingar dersom praktiske, økonomiske eller strategiske omsyn skulle tilseia dette

Nytt kulepunkt under punkt 2 (etter «vil arbeida for at nynorskgruppa i VOX...»)

- *arbeida for at det vert oppretta eit ressurscenter for norske kommunar på området nynorsk vaksenopplæring for framandspråklege»*